

Sa Tabi ng
Bangin

RIVERA

MAYNILA

1910

GRAD
PL
6058.9
.R57
S83
1910
BUHR

GRAD
40358491
SEAS
05/09/2002



Sa tabi ng

Bangin.....



AKLATANG BAYAN---III AKLAT





Kalakal Tagalog

— 000 —

Aywan kung sino ang nagsabing: "ang pilipino ay di marunong tumangkilik sa kalakal ng kalahi"; sa sino man, ay di sasalang siya'y kaaway ng bayang tagalog, sapagka't ayon sa mga pangyayari ay napagkitang tsang lubis na kasinungalingan ang gayong kasabihan.

Nagpipangusap na katibayan ang masasaligan ng ganitong panniwalala at isa na rito'y ang "BAKAL", Sto. Cristo, blg. 86 Maynila, Almacen ng Cemento, Hierro galv, Alambre, Petroleo, araro at itp. na, totoong malusog, at ang kalusugang ito'y di utang sa kanino man kungdi sa pag anakabayan ng kanyang mga mananangkilik at sa mga iya'y walang nabibilang na isa mang taga ilang lupa.

Isa ng batas ng k lik san na ang langis ay han pin ang kaawa langis at ang tubig ay sa kapwa tubig.

Jose Maria Rivera

SA TABI NG BANGIN....

KABAYSAYANG TAGALOG

UNANG PAGKALIMBAG

Maynila,

1910



Limbagan "MAPAGPUYAT"
saang Santiago de Vera Bldg 10
Bagtasan ng Moriones at Merga,

TUNDO.

GRAND

PL

1957

257

1957

1957

ARING TUNAY NG KUMATHA

**MGA KATHA
NI J. M. RIVERA**

KABALUKUYANG LINILIMBAG

**Dalawang Lika.
Tamis at Pakia.**

IPALILIMBAG

**Luka ng Paso. (Mga Tula.)
Bagong Magdalena.
Hiyaw ng Diwa. (Mga Tula.)
Alipin!**

Sa babasa



Manghabasang guiliw:

Bago siyasatin ang pinakalamán ng aklát na itó, ay pagkaabalahang tunghayan sandali ang mga pang-unang titik, na siyáng maghahatid sa inyóng tunghayan ng mga larawan ng maykatha at ng kaniyang katha.

¿Kung sino si José María Rivera? Anák sa bayan ng Tundó, balaman na naging punlaan ng mga Zorrilla, Joseng Sisiw, at mga iba pang laki sa alo ng tulá; si José María Rivera ay isáng kaluluwang busog sa mga pangarap. Batàng batà pa siya ng mabilang sa hanay ng mga mamamahayag: lalabing pitong taón. Hindi nalaunan at ang manunulat ay naging masikap na kampon ni Minerva pagkatapos, na mapabilang sa mga manghihimag-sik ... Panulat at baril, sa kamay

niyá, ay isáng bagay: panananggól ng buti, panggibá ng samá.

Sa gulang na dalawangpuong taón, ang manghihimagsik, ay tumahak na naman ng bagong landasin: nanulat ng dulang tagalog

At mangdudula na at manghihimagsik at mamahayag, ay inibig pa ring kumita ng lalong dangal. Kaya't pinilit pang makapag "Bachiller en Artes", "Perito Mercantil" at "Licenciado en Derecho".

Makatás na likha ng talinong ito ang:

* * *

"SA TABI NG BANGIN"—Tatlong personahe ang lumilikha ng mga pangyayari: Ernesto, binatà; Armando at Magdalena, mag asawa. Si Ernesto ay isáng bantóg, dakila, at matalinong makata at mangdudula—kaluluwa ng kadakilaan, pusong bakal. Magdalena "Pusong Babae", mahina,

yuko at tiklop ang tuhod sa mahiwagang kapangyarihan ng puso. Don Armando—mayamang mangangalakal, pusong ganid, pusong nadadarang sa kinang ng pilak, at sumasagot lamang sa pangangailangan ng ginto.

Ang pagkamuhi ni Magdalena sa kaniyang asawa, at paghanga nito sa bantog na makata at mangdudulang si Ernesto, ay siyang nagbulid sa kaniya sa makamandag na kamay ng mahiwagang kapangyarihan ng puso. Ipinahiwatig niya at ipinakilala kay Ernesto ang kanyang pag ibig, bagay na tinanggap ni Ernesto ng boong galak at pagdiriwang na tulad sa usok na pumapaitaas at kusang napaparam sa himpapawid—isang panaginipan; pagka't ng si Ernesto ay sumapit sa kaniyang tahanan, at muling suriin sa kaniyang isip ang mga nangyari, ay isang ma'akás na [Hindi . . .] ang narinig niyang ipi-

naghihiyawan ng boong lakás ng kaniyang "conciencia" — ginamit ni Ernesto ang kaniyang pagkapusong bakal, kinuha ang panitik at inakda ang dulang "SATABING BANGIN", dulang naglalarawan ng buhay nila ni Magdalena.

Sa araw ng unang pagtatanhal ng bantóg na dula, ay inaniyahan ang mag-asawang Armando at Loleng. Di natapus ang dula, at si Loleng ay niyapos ng takot, siya'y nanglamig, nangalisag ang kaniyang buhók, nangatal ang kaniyang katawan, at sandaling pinanawan ng pagkatao Sinatal ng takot ang kaluluwa ni Loleng sa harap ng gayong pagkakasala.

Matapus ang gayong pangyayari, ay nagsadya si Ernesto sa bahay ng kaibigan niyang mag-asawa, at nagpaliwanag ng bagay na nag-udyok sa kaniya ng pagakda ng gayong dula; si Loleng ay nagsisi, si Armando ay pinatawad siya, at si Ernesto ay nakatupad

sa hiyáw ng kaniyang "conciencia".

"KASAYSAYAN NG ISANG HALIK", sa'aysaying pinag-a-arawanan ng isang Dariong dalisay umibig, ng isáng Angela na bago namatay ay binigkas muna ang pangalang [Dario], pangalan ng sinta na sa kaniyang puso, ay hindi nakatkat, ni ng matuling panahon, ni ng matagal na pagkakalayo; at isang Amalia, ináng sa hiras ng anak ay nakalimot sa kaniyang sarili upang wala ng mithiin kundi ang ililigaya noon.

* * *

Ang lahat ng mga naunang talata ay siyang laman ng aklat ng kaibigang Lepe Maria Rivera, aklat na dahil sa kaniyang mainam at kalugodlugod na pangyayari, ay ina-asahan long babasahin ng tanang mahiligin sa mabubuting babasahin.

Sa kahulihulihan, na aalaa'a ko

ngayon ang isang pangyayari ng kaibigang Rivera, ng kasalukuyang kami ay nagtatapos ng pag-aaral sa "Liceo de Manila, na, saman. talang kaming lahat ay nag-aaral ng paggawa ng "composición" at pagdingig sa aming Profesor (ang namatay na D. Juar Basa), ang kaibigang Rivera naman ay walang pinagkakaabalahan kundi ang pagsulat ng mga tula at tuluyang ilinalathala sa pahayagang "I a Patria"

PERFECTO DEL ROSARIO.

Tupdó, Disiyembre ng taóng 1910.





I

Langit na maulap

Umaga.

Ang araw ay maliwanag na sumisikat, at tinatanglawan ang lahat ng pinagharian ng gabi; ang langit ay walang mga panganorin na nakadudungis sa kulay niyang azul; ang mga sampagang nangag tikum ang dahon matapos na matanggap ng kanyang talulod ang bango sa isang mahiwagang gabi, ay parang ilinalahad at pinahahali-muyak ang bango niyang na im-pok ng sakdal lwat.

Si D. Armando, matapos na makapagbihis at makakain ng aga-

han, ay dagling tumungo sa sa-
bitan ng sumbalilo at matapos
kunin ang tailangan ay nagsabi sa
isang babayeng nakaupo pa sa
kakanán, ng:

—Hangang mamaya, Magdalena.

—Hintay ka muna Armando at
maaga pang-lubhá—anang babaye
na may halong lambing.

—Namamali ka nang pagsasabi
ng gayon. Alamin mo Magda-
lena na ang tatlo nating vapor
ay mangagsisialis sa umagang ito,
at marami sa mga kinakailangan
ay wala pa. Bawa't saglit na
ikabalam ko, bawa't isang "ini-
nuto", ay libo-libong piso ang
mawawala sa atin at ito'y di
marapat na mangyari.

—Mahal pa sa iyo ang ofici-
na kay sa akin, Iniibig mo
pa ang "negocio" mo kay sa akin...

SA TABI NG BANGIN.

—At di mo dapat ipagtaka, pagka't ang kualta ay kailangan at ng di natin abutin ang paghihikahos. Diyan ka na.

At noon din ay nanaog si D. Armando at sumakay sa kanyang carruaje.

Samantala, ang naiwan niya ay mangiak-n̄giak halos kaya't sa bibig ay pinapamumulas ang mga salitang:

-- Gaya din ng mga taw na nagdaan. Inibig ko siya sa pag-sasapantahang, sa kaniyang puso ay walang ibang sasambahin kundi ako lamang, nguni't ako pala ay nagkamali: sa puso pala niya ay may tan̄gi pang nasusulat ng higit sa n̄galan ko. ¿Saan mata-tagpuan ang isang pusong makapagdudulot sa aking mga pinipit-haya?

J. M.A RIVERA.

Matapos na sabihin ito, ay biglang tumindig sa kinakanang lamesa at pumasok sa kanyang silid.

表喜表



II

Ang mag-asawa ni D. Armando

Bago ipatuloy ang pagsasalaysay ng mga bagay na nangyari, sandali kong tuturan sa mga nanasa, kung sino si D. Armando at si Magda'ena.

Si Dn. Armando ay isang gi-noong pagka husto na ng isip ay kinamatayan ng kaniyang mga magulang na naiwanan ng di ka-kaunting "mana." Palibhasa't siya'y mauilihin sa pangangalakal, ay itinuloy ang bahay kalakalan ng kaniyang ama. Kaiguihan ang taas at pangangatawan, at ang gulang ay sasakay na marahil sa 45.

J. M. A RIVERA.

Si Magdalena naman, ay dili iba kundi ang asawa ni D. Armando; siya ay magandang lubha at masasabi ngang sa Bayan ng M. ay walang mangunguna. Sa taglay na puso na uhaw at kailan man ay di masasapatan ang mga kahilingan, ay walang ninanasa kun di ang samyuin ang pag ibig. Datapwa't sa isang pagkatataon ang napangasawa ay may pagka mahilig sa pangangalakal at di na halos naaalaala ang kabiak ng kanyang puso, bagay itong ipinagdadalamhating labis. Ang gulang niya'y 26 ó 27 na.



III

SUMANDALING LANGIT

Isang umaga na bilang pangatlo na nang mga nangyaring pagpa-paalam ni Dn. Armando kay Magdalena, ay may kumatog sa pintuan ng tahananang iyon na ng patignan sa isang alagad ay nakitang iyon pala'y si Ernesto del Rio.

Palibhasa't ang tumawag ay ipinalalagay ni D. Armaudo na matalik niyang kaibigan, kaya't naaaring kahit anong oras ay nakaparoroon.

Binuksan na nga ang pintuan sa daan at makaraan ang ilang sandali ay tuluyang umaklat ang binatang Ernesto.

Mamalas ng dumating ang ayos ni Magdalena, ay nagturing na:

—Magdalena, balit at sa pagmumukha mo'y nalalarawan ang hapis? Bakit ang sungit ng yamot ay lumululan sa iyong puso?

Tinitigan sumandali ng kinakausap ang katatapos na tumanong, bago sinundan ng isang buntong hiningang sumasatsing mabigat na lubha ang pagbabakang nangyayari sa kanyang puso, at pagkatapos ay nagsabing:

—Ernesto, tunay ang iyong sinabi, pagka't . . .

—Ang alin?—ang sambot ng kausap.

—Ako'y di ini ibig ng aking asawa.

—Bulaan ang sapantaha mong iyan, Magdalena, pagka't ang di

umibig sa iyo, ay walang puso, at si Armando ay pinatunayang, lalaki siyang marunong umibig pagka't hinirang ka niyang maguing asawa na pipintuhuin.....

—Nagkakawali ka Ernesto, pagka't sa puso ni Armando ay di ako ang sinasamba kundi...

—Sino? May iba pa siyang iniibig?

—Oo, mayroon.

—Maaari ko kayang makilala?

—Bakit hindi

—Turan mo, Magdalena.

—Ang “kualta,” ang “ginto.”

Hindi nakakibo sa gayon si Ernesto, at ang pagkatao'y waring lumayo sa kaniya, ng saglit.

—Di ba totoo Ernesto na kung sa iyo mangyayari ang gayon, kung ikaw ay magkaka asawa ng isang marunong umibig, ay gagantihin

mo naman ng pag-ibig din?—ang dugtong ni Magdalena.

—Magdalena,... gayon nga ang aking gagawin, gayon ang maaasahan sa akin, datapwa't... tanto mo marahil na ako mandin ang tanging linikha ni Bathala upang pahirapan na lamang.

—Ah, Magdalena,—ang patuloy na sabi ni Ernesto,—kung ako ang palarang magkaroon ng isang tulad mo na magiging kabiak ng puso, kung ako ang magkakaroon ng pag-ibig ng isang Magdalena. marahil, ang aking mga tula ay 'along pupurihin, at haiingitan ng mga may maruruming puso.

—Ernesto, ako man ay gayon din. Ako ay nagsapantahang si Armando ay mapapalitan ng kapua pag-ibig ang aking puso, da.


SA TABI NG BANGIN.

tapua ako ay nagkamali: Ikaw
at di pala siya ang makapagdu-
dulot sa akin ng gayon.

—Magdalena, Magdalena, ikaw
man ay aking ini-ibig, ang sulit ni
Ernesto.

—Salamat Ernesto; ito ang
unang pag-a-mapalad ko.





IV

Pag aalinlangan.

Sakbibi ng isang pagtatwa, ay linisan ni Ernesto del Rio, ng makatang laging tinatakan ng tanan ang mga ilinalathala sa mga pahayagan, ang marikit na tahanan ni D. Armando

Datapwa't, nang siya'y na sa bahay na, at anyong eusulat, ay isang pag aalinlangan ang pumababaw sa kaniyang isip, pag-aalinlangang pumutol sa nais niyang yariin ang tulang ipinangako sa pahayagang "Ang Ilaw."

Umulik-ulik ang kaniyang pag-iisip na tulad ng dahon ng kahoy na linalagas ng masidhing

SA TARI NG BANGIN

hihip ng hangin at pinagwiwindang-windang bago pasapitin sa lupa, bagay itong ibinitiw ng panulat at pagsapupo ng dalawang kamay sa kaniyang ulo na wari ay di makayang dalhin ng dalawang balikat-

At ang gayo'y, waring siyang ina antay lamang ng pinagbububhatan na pag-iisip niyang hinahangaan, pagka't bahagya pa lamang na nakararaan ang isang saglit, ay pinagharian na siya ni "Morfeo."

DKR

V

Pangarap.

Mga ilang sandali ang nakaraan ng ang Pangarap ay nakuhang magambala ang katahimikang dulot ni Morfeo.

Nangarap nga si Ernesto ng mga sumusunod;

“Umano, si Dn. Armando ay nabalitaan ang paglililo sa kaniya ni Magdalena at Ernesto, na siyang nagiging sanhi ng panunubok ng tinurang D. Armando, panunubok na pinagkasanhian ng pagkakatutop sa kanilang dalawa, na ang naguing wakas ay ang pagpatay ni Armando kay Magdalena”.

SA TABI NG BANGIN.

—Patawad!—ang pabulalas niyang turing, na siya tuloy ikina-untol ng pagtulog.

Datapwa't bahagya pa lamang nakapagpapahinga, ay siya namang pagdapo uli ng isang panaguinip na gayari:

“Nang matapos mapatay ni D. Armando ang kaniyang taksil na asawa, ay siya naman ang hinang rap at pinagsabihan nang:

—“Ernesto, ang ginawa mong iyan sa akin ay walang ibang ngalan kundi kataksilan.

—“Linabag mo ang aking mga paglingap sa iyo,—ang isinunod ni D. Armando,—at dahil sa bagay na ito, ikaw ay tumatag.

—“Patawarin mo ako!—ang paluhod na samo ni Ernesto.

—Hindi kita mapatatawad. Sa guinawa mong iyan ay labis na

sana kitang mapatay, datapwa't di ko magagawa ang gayon. Isa sa atin ay labis sa lupa at . . .

—Hindi ako makalalaban sa iyo.

—Kung gayon,—ito ang marapat sa iyo, at noon din ay iniakma sa kanya ang isang Revolvers, datapwa, ng dumating na dito ang panaguinip ay siya niyang pagkagising na pupungaspungas, at ang mga naunang salitang pumulás sa kanyang bibig ay ang:


—Huag, huag mong kitlin ang aking hininga.

Datapwa't ng masiyahan na siyang di pala kaharap si D. Armando at ang nangyaring yaon ay panaginip lamang, dinapuan siya ng i ang kalungkutang na ikinalugmok tu'oy sa isang panig ng tahanan.

Sumandaling napalagak sa gayong anyo si Ernesto, at pagkatapos ay nagturing na:

—Hindi, hindi nga nararapat na ako'y mangibig at sangayunan ang sa aki'y idinudulot ni Magdalena. Di ko dapat gantihin ng pagsusukab ang mabuting palagay sa akin ni Armando. Si Magdalena'y nagkasala, at kina-kailangang ang gayon ay pagsisi-han niya.

At noon din ay kumuha siya ng papel at sinimulan ang pag-sulat ng isang Dulá.





VI

Anyaya.

Ilang araw na ang yumaon

Sa lahat ng tanyag na kinakabitang mga Cartel ng Teatro, ay walang nakitita kundi ang nagpuputiang papel na kinalilimbangan ng mga titik na pula na ang nasasabi'y ang sumusunod:

Dulaang Makata

'Unang pagtatanahal ng Dulang
tatlong yugto, ng kilalang
Makatang Ernesto del Rio
at pinamagatang:

SA TABI NG BANGIN

!DALUHAN! !PANOORIN
ANG MAINAM NA
DULANG ITO!

SA TABI NG BANGIN.

Hapon ng lingo noon.

Sa magandang langit ay walang isa man lamang ulap na nakatatabing бага ó nakadudungis.

Si Ernesto, ay tinungo ang bahay ni D. Armando, na ng mamasdan ng dinatnan, ang tuang nalalarawan sa mukha ng dumating ay big'ang nagsabi na:

—Ernesto, anong saya mo ngayon.

—Oo na, pag'a't...nguni't, hindi, hindi ko tuturan hangang di mo ipangako sa akin na ako'y di hihiyaín,—ang tugon ni Ernesto.

—Sa ano yaon?

—Di mo ako hihiyaín?

—Hindi.

—Kung gayon, mamayang gabí, ay itatanghal sa "Tangha'ang Makata" ang isang bago kong dula na

ang pamagat ay SA TABI NG BANGIN.

—Bagong dula mo na naman?

—Oo, at iya'y ika limangpuo't lima na:

—Wala kang pagod na tao!

—Paparoon ka?

—Oo, asahan mo,

—Kung gayon ay naito ang Palco presidencial. Ibig kong ikao ang mangulo sa aking palabas.

—Napaka labis naman yata iyan.

—Labis? kulang pa ang sabihin mo sa isang gaya mong bagong Mecenas.

—Salamat sa papuri mong iyan, Ernesto, at inaasahan ko na, ngayon pa, ang tagumpay mo mamaya.

—Tunay, at sa dulang iyan ay inaasahan kong lalong lalaki ang aking ngalan sa malawak na laranġanan ng panunulat.

—Gayon din ang haka ko.


—Siya, hangang ika 8 1[2: isa-
ma mo ang iyong asawa.

—Oo. Hwag kang mabahala.

At noon din ay nagmamayan
sila, at pagkatapos ay yumaon
na si Ernesto.

Si D. Armando naman ay ibi-
nalita kaagad kay Magdalena ang
anyayaya ni Ernesto, at noon din
ay sinimulan ang paglalabas
ng damit niyang gagamitin sa
Dulaan.





VII.

"Sa tabi ng bangin."

Ika walo't kalahati ng gabi.

Ang madlang tao ay nangagtayo sa tapat ng "Dulaang Makata", na wari ay nangag aantay ó inaabangan ang pagpasok ng mga binibining dada'lo sa Dulaan ng gabing iyon, nang maringig ang pangalawang tugtog ng isang maliit na batingaw ay dagling nang-g sipasok sa Dulaan, na noo'y punu na ng mga magsisipanood, samantalang ang mga mahihirap na di makaupo sa isang "butaka," ay nanga sa "entrada general."

Ang mga binatang mawilihin sa mga binibining may magagan-

SA TABI NG BANCIN.

dang ayos ay payak na nakapako ang paningin sa asawa ni D. Armando, na nang gabing iyon ay lalo pang gumanda sanhi sa mga suot niya.

Ika-iyam na ganap ng gabi, nang ang pangatlong "campanada" ay nadingig ng lahat ng dumalo sa dulaan na sinundan pagkatapos ng pag-aangat ng "Telon de boca."

Sinimulan ang unang yugto at gayon din ang pangalawa sa di magkamayaw na palakpak ng nanganonood at ng matapos ang pangalawang yugto, ay hindi nagpatantan ang mga iyon kundi makita ang makatang Ernesto del Rio, na kung tunay mang kilala na nila, ay ibig na purihing muli.

Nang uliting iangat ang "Telon de boca" at simulan na ang "tercer acto" ay lalo pa ding nagtamo

ng maraming palakpak at muling hiniling ang "Autor" noon.

Datapwa't ng dumating na sa "escenang" mahuhuli ni D. Martin (protagonista ng Dula) ang asawa niya sa piling ng kaibigang matalik na ito'y siyang "argumento" ng dulang iyon, si Magdalenang asawa ni D. Armando, ng makita ang balaraw na tangan sa kamay ng "actor" at itatarak sa nagpapapel na asawa, ay sumigaw ng:

—Ang Dramang iyan,... Armando ... Patawad! at noon din ay hinimatay.

Sa gayon ay nagkagulo sa Dulaan, at pagdaka si D. Armando ay linisan ang inuupan at inaowi sa kanilang bahay si Maglarena, na lubhang di ma-alaman ang nangyaring iyon.

Di din naman lubha nang nag-
luat at matapos ang pagtatanghal
ng Drama, si Ernesto, ay kaagad
na tumungo sa bahay ni D. Ar-
mando na ng kaniyang datnan
ay mabuti ng lubha si Magda-
lena.

AKA



VIII

Pagtatapat.

—Kaibigang Ernesto,—ang salubong sa kaniya ni D. Armando ng siya'y makita.—Ang dula mo'y mainam, dinaramdam ko lamang na hindi nakita ang lahat dahil sa paghihimatay ni Magdalena.

—Dinaramdam ko din,—ang tugon ni Ernesto, datapwa't kinakailangan mong matanto ang laang lihim na napapaloob sa katha kong binahangaan mo.

—Tantoin mo kaibigan—ang patuloy ni Ernesto—na sanhi sa kalamigan mo sa pag ibig, ang paningin ng iyong asawa ay ipinako sa akin.

—Gayon pala! Tampalasan,—ang tinurang bigla ni D. Armando at dadaluhungin na sana si Magdalena, datapwa't napigilang agad ni Ernesto at pinagsabihan ng:

—Maghintay ka muna,—at saka itinuloy ang pagsusulit ng;

—Datapwa't sapagka't tanto ko na kung iyon ay aking bayaan ay lalabagin ko ang ating pagkakaibigan, ay ginawa ko ang Dramang itinanghal ng gabing ito ng upang makapagbalik loob ang asawa mong namali sa daan ng katahimikan.

—At di ka namali, Ernesto.... ang tugon ni Magdalenang ka agad na lumuhod sa harap ni D. Armando na umi-iyak,—ako'y iyong patawarin.

—Magdalena, pagtindig, at kita'y pinatatawad—ang sulit ni D,

Armando.—At ikaw Ernesto, ang ginawa mong ito'y pinatunayan ang iyong mabuti at tapat na pakikisama, hinahandugan kita ng walang hangang pasasalamat, at makaaasa ka sa kapalagayang matalik na kaibigan. Buhat ngayon, ikaw ay aking kapatid.

At ang tatlong iyong sa pama-
maguitan ng isang mahigpit na ya-
kap ay napagisa ang mga dam-
damin at puso.





Kasaysayan ng isang halik



Sa matalik na kaihi-
gang Marcos de los San-
tos, lumikha ng tugtu-
tuguing “Los Literatos
Tondeños”.

Gabi noon.

Ang bowan na ng mga nakaraang
araw ay waring ikinakait ang ka-
niyang magandang kulay, ng ga-
bíng iyon ay maliwanag at ba-
hid mang dungis ay wala.

Ang mga bitwin na tila alitap-
tap, ay tuluyang nangawala sa
himpapawid dahil sa liwanag ng
buwan,

Hangíng mahinhin at mabanayad ang sa alangánin ay pumapaguitna na nakikisunod at sumasaliw sa gayong kagandahan.

Ang dagat man na sa tuina'y nagbalang gunawin ang sangkapulan at guhuin ang mga nagtatayugang tahanan na wari bagáng hinahamon ang kapangyarihan ni Bathalà, ay mapanatag na lubha ng gabíng iyon: sa kaniya'y wala man kahit munting bulalás ng gahasang alon.

Lahat ay tiwasay at tahimik.

Samantalang ganap ang katahikan, sa isang malaking bayang nasasakop ng Maynila at sa tapat ng isang tindahang tagalog, nanakau po ang maraming binata at ilang matatanda.

Sapagka't kaugalian na ng lahing Lakandula na ang mga bi-

nata't dalaga ay mangagliliwaliw sa liwag ng bowan ang karamihan ng binata na nag upo sa tapat ng tindahang nabanguit ay nangagyayaang maglakad sa liwanag ng bowan.

Yumaon ang mga iyon at doon ay walang nangalabi kung hindi ang isang binata at ang lahat ng mga matanda,

Sa di kawasa'y nangagusapan ang mga matatanda ng natutungkol sa pagtugtog ng violin.

—Dine sa atin—ang sabi ng isa doon na wawalungpuin ang gu-
lang, ay may sumipot na isang violinistang hanga ngayon ay hinahanġaan ug tanang makaringġig sa kaniya.

—Ah, si Dario: siya nga; tunay ang tinuran mo,—ang sabi naman ng isa pa din sa nangaroron.

—Datapwa't sa aking wari,—
ang kabuhayan ng taong iyan ay
nababalot ng isang malaking
hiwaga,—anang na unang nagsalita.

—At bakit naman?—ang tanong
ng isa doon.

—Bakit nga naman?—ang ma-
piling usisa ng isa pa rin.

—Mangyari, si Dario na ngayon
ay magkakaroon na marahil ng
65 taón, waring di nakiki-
lala ang gawang umibig.

—At bakit po, tio?—ang maga-
lang na tanong ng binatang sa-
put ng simulán ng mga mata.
tanda ang usapan, ang boong pa-
kinig niya'y doon na lamang ili-
nagak.

—Gayon ang sabi ko, pagka't na-
kapanggigilalas ang sinapit niyang
gulang na 65 taón ay bagong tao
pa, at . . .

Nguni't ang kaniyang iduduk-tong ay nawala, sa pagkakataong noon din ay dumating sa tindahang pinaglilipunan nang isang matandang kaiguihan ang taas, sunod sa moda ang suot na damit at kahit sa mukha niya nagsisimula na ang pangungulubot nang balat, ay di pa din yumayaon ang mga badha nang kaniyang kapanahunan: isa sa mga **MAGANDANG LALAKE**.

Bitbit niya sa kaliwang kamay ang isang kaha ng violin.

—iMagandang gabí po sa inyong lahat!—ang sabi niya.

—iAba, Dario! Saan ka ba nangalin?—ang tanong ng isa't isa sa nangaroroon, sa dumating.

—Diyan lamang mga kaibigan sa bahay ng isa kong

pamanking la'aki na ikinasal kanginang umaga.

—Ang pamankin mo'y napagkiklialang hindi mawiihin sa pagkabagong tawo na tulad mo—
anang matandang naunang nagsalita.

—Tunay nga ang tinuran ninyo—ani Dario;—Datapwa't kung aking inabot ang gulang na ito sa pagkabagongtawo, ay dahil lamang sa isang malaking hiwagang hanga ngayon ay bumabalot sa aking kabuhayan.

—¿Hiwaga?—ang pamaang na tanong ng nangaroroon.

—¿At alin ang hiwagang iyan?—ang tanong ng isa naman

—¿Di бага maaring aming malalaman?—ang saló ng isang matanda pa din.

—Kung hindi kayo mangaiinip ay aking isasalaysay sa inyo.

Sa gayon, ang lahat ay nagsipag-igue ng upo; nangagunahan ang bawa't isa na mapalapit sa magsasalaysay ng kaniyang kabuhatan.

Ang may ari ng tindahan pati, sa gayong nangyari ay nahawa na at nang matapos mabigyan ng isang luklukan si Dario, ay dalidaling isinará ang kaniyang tindahan, ng upang hwag magambala ang gayong salaysayin.

* * *

Sumandaling tinutop ni Dario ang noo ng kaniyang kamay at pagkatapos ay sinimulan na ang pagtuturing ng gayari:

“Di na kaila sa inyo na ang aking kabataan ay isa sa mga inahale ng kapighatian Apat na taon pa lamang ang aking gulang

ng ang sinisinta kong Ira ay tinawag ni Bathala sa kaniyang sinapupunan. Ang aking Ama na tapat magmahal, ng makilalang ang aking hilig ay sa pagtugtog ng violin, ay pinatutuan ako sa isang bantog na guro. Sa pag-aarimuhanan ng aking Ama, ako na ang pinatutungo sa bahay ng aking guro, nguni't, di naman naglipat buwan at ang Ama ko ang sumunod na nalunod sa ilog Estigia.

"Simula na noon ay nadanas ko ang hirap ng maulila, hirap na di nakuhang maalis ng mga paing paunlak ng karamihan, na sanhi sa kahusayan kong tumugtog ng violin, ang bawa na ay nageisiwalat.

"Isang araw ng Lingo, dalawa sa aking pinakamatalik na kaibi-

ISANG HALIK.

gan, matapos kaming makasimba, ay niyaya ako sa bahay ng isang mayaman, na ng araw na iyon ay ipinagpipista ang kaarawan ng kapanganakan sa kaniyang anak. Marami ng panauhin ang inabot namin doon, at sa tanan, ay ipinakikilala ako ng aking dalawang kaibigan, tangi nga lamang sa pinipista na di namin inabot doon at sinundo ang kanyang mga kalapit-loob.

“Datapwa’t hindi ko matanto at kung bakit simulâ sa mga unang sandali pa lamang ng aking pagdatal sa bahay na iyon, ang aking pag-iisip ay umulik-ulik na, at ang puso ko ay nanibago sa pagtibok. Sa gayong anyo, ay napauupo ako sa isang luklukan, at halos di pa man nagluluwat, ay siya namang pagdating ng pi-

nipista, na matapos mabiguiang upuan ang kanyang mga kakilala ay tinungo ang dalawa kong kaibigan at pinagsabihang:

—“Asa ko’y hindi kayo magsisidaló, ah ..—at sinabayan ng isang ngiti.

—“Mali ang sapantaha mo,—ang tugon ni Carlos.

—“Siya nga,—kaya’t pinasaalamatan ko ang gayon.

—“Angela,—ang sabi ng kaibigan kong Andrés—ipinakikilala ko sa iyo ang aming kaibigang Dario Reyes, binatang compositor at balitang violinista,—at sinabayan ng pagtuturo sa akin.

Naragdangang lalo ang aking dinamdam, at sa gayon ay wala akong nasabi ng abutin ang kan’yang kamay kung hindi:

—“Aling Angela, pag-utusan mo po . . .

—“Ikinagagalak ko po ang pag-kakilala sa bantog na violinista, —ang tugon niya sa akin na sinabayan nang isang titig na kinapapalooban ng boong kabuhasan at pag-giliw.

“Matapos ang pananghalian, at sa mga sandaling nangagpapahinga ang mga masambahin kay Tersp-core, ang tanang panauhin ay nangagkaisa ng paghinggi nila na tugtugin ko ang isa sa aking maririkit na tugtuguin. Noon naman ay kasalukuyang ang tanang mawilihin sa “musica” ay walang tinutugtog kung hindi ang kayayari ko pa lamang na ang pamagat ay AGONIAS, at sa pag-uunasan ko nang makasunod sa pinipita sa akin ng tanan, ay

hiniram ko ang violin ng isang orquesta at kaagad n̄gang tinugtog ang AGONIAS na sinaliwan naman sa piano ni Angela. Di pa man halos natatapos ang aking pagtugtog, ng pumulas sa bibig ng labat ang salitang: !MAGA+LING! Isa't isa ay yumakap sa akin at ako naman sa kanila, kahit na sa mga labi ay namumutawi ang ng̃iti, sa aking puso naman ay isang kalumbayan ang kaagad na pumaloob.

Sumandaling tumiguil si Dario na waring nahahapo, at pagkatapos na ininom ang isang vasong tubig na kaniyang hiningi, ay itinuloy ang pagsaysay:

“Ganap na isang lingo ang nakaraan, buhat ng pistahin si Angela. Isang hapon na magtatakip silim na, ay napadaan ako

ISANG HATIK

sa tagiliran ng hardin ni Angela. Akay palibhasa ng pagnanasang mailuhog sa kaniya ang aking pag ibig na buhat pa ng mga unang sandaling magkatamang mata ay namahay na sa puso, ay sinamantala ko ang kaniyang panumupol ng sampaguita, at barakarakang binati siya: sumagot naman sa akin ng malumanay at inanyayahan akong pumasok: anyayang kaagad kong tinupad, at mga ilang sandali kong ilinuhog sa kanya ang aking pakay. Palibhasa'y talaga na nga yata ng Diyos na ako'y palarin, si Angela ay tinangap ang aking pagluhog at binitawan sa akin ang mahiwaga, matamis at mahalaga niyang "Oo".

"Kaylan man ay di ko malili-

mot ang mga sandaling iyon na ikinaginhawa ko!

“Sa di kawasa, ng akoy’y nagpaalam na kay Angela, at sagutin na niya ng: “Hangang sa Jueves irog ko”; siyang paglapit sa amin ng ina ng guiliw ko at nanglisik ang matang nagturing na:

—“Angela, hindi ka na narimarim na tawaging irog mo ang dayupay na iyan?

“Sa gayong pag alipusta sa aking kahirapan, sa dibdib kong mapagbata, ay waring naringig ang piping hiyaw ng aking puso na anya’y: ilpagsangalang mo ang iyong karalitaan!” at dahil sa bagay na ito’y itinaas ko ang aking ulong nakayuko at nagsabi nang:

—“D.a Amalia, magpakarahan po naman ng pag-alipusta sa aking karalitaan.

—“Sasagot ka pa;—ang tugon niya sa akin,—Naito ang marapat sa iyo, at noon din nga ay ipinalo sa akin ‘ng walang patumanga ang isang palasan na kaniyang tinutungkod.

Sa gayong nangyari, niyakap ni Angela ang kaniyang Ináng kasabay ng pagsasabi sa atin ng: “Dario, yumaon ka na”.

“Sinunod kong dagli ang sabing iyon ni Angela. Kinamakalawahan, nang pangyayaring iyon, ay tinangap ko ang isang liham ni Angela na gayari ang nasasabi:

“Irog kong Dario:

“Buhat ng mangyari ang panampalasan sa iyo ni Ina, ako’y nahiga na at di tinitigilan ng lagnat.”

“Hindi lamang ikaw ang nagdurusa, irog ko; ako man ay sak-

bibi din ng kapanglawan, ako man ay ginigi-yagis ng lungkot."

"Kung ako'y kapu-in ng palad at maputi ang aking hininŕa, ay makaasa kang sa mga huling tibok ng aking puso, ang mga huling salitang pupulas sa aking bibig, ay ang ngalan mo, pagka't ang pag-ibig ko sa iyo ay walang makakatulad at malawak pa kay sa dagat at himpawid."

"Huwag mo ngang lilimutin ang iyong iyo lamang na si,"

"ANGELING."

"Di masayod na lungkot ang sumaa-kin ng ang gayon ay matanto at palibhasa't simula ng gawin sa akin ni Da. Amalia ang paghiya, binuo ko na sa loob ang panginŕibang bayan.

Kinabukasan, at bago pa lamang ipinakikita ni Febo ang mga unang anag-ag niya, ay iniwan ko na ang bayang ito at tinunġo ko ang Pangasinan.

“Isang hapon na kasalukuyang ang mga ibong naglalagalag ay tinunġong muli ang kanilang pinag-iwang mga pugad; hapon hustong ikapitong araw ng pag-sapit ko doon, walang ano ano’y lumapit sa akin ang alila ko at sinabing may mga tawong humahanap sa akin; iniutos ko sa kaniyang patuluyin ang mga iyon, nguni’t nang mangagsipasok na ang mga bagong dating ay isang malaking kamanghaan ang umabot sa akin. Nalalaman ninyo kung bakit? Pagka’t ang isa sa mga iyon ay ang iná ni Angela na nang ma-

kita ako, ay nagturing na kasabay ang iyak at yakap sa akin;

—“Dario, patawarin mo ako sa pagtakalait sa iyo: iligtas mo ang aking mahal na Angela.

“Nang maringig ko ang kanyang sinabi ay itinanong ko ang sanhi ng kaniyang, mga sinabi at noon din nga ay isinalaysay ni Da. Amalia at ng pinsan niyang Luisa na mula ng haponng ako’y kaniyang linait, si Angela ay nagkasakit na at ng ikatlong araw ay sinabi na ng medico na ang tanging kagamutan ng sakit ni Angela ay na sa kaniyang minamahal.

“Sa gayon nga ay isinamo sa akin ni Da. Amalia na huwag na di ako sumama sa kanila, at dahil sa mapili nilang pag-anya ay sumangayon na ako.

Samandaling huminto si Dario



na waring ina-ala-ala ang tanang pangyayari na isinasaysay niya.

Lumipas ang ilang saglit at, pagkatapos na silang nangagkakaharap ay uminom sa dulot na matamis at tubig nang may tinda, ay ipinatuloy ni Dario ang kaniyang pagsasalaysay.

“Kinabukasan, at dahil na wala na nga akong iba pang nasa kundi ang mamalas ang aking iniibig na Angela, matapos na makakain ng agahan, ay lumulan na nga kami sa tren.

“Dalawang oras at kalahati ang itinagal namin sa paglalakbay, at pagkatapos ay dumating na kami sa bahay ng guiliw kong Angela.

“Nang ako’y anyong tutunĝo na nga sa silid ng aking sinta

na kasama si Da. Amalia, ay hinalubong kami ng manggagamot, na nang matantong ako ang Dario, ay kaagad akong pinagsabihan, ng:

—“!Kayo palá! . . . !Si Angela’y walang patid ng tawag sa inyo.

“Hindi ako nakatugon ng kaputok man lamang, kaya’t ang manggagamot nang mamasdan ang gayon ay nagturing na:

—“Kayo, tanġing kayo ang marahil ay makabubuti kay Angela.

“Nguni’t nang kaming tatlo ay anyo nangang papasok, ay siya naman naming pagkadinġig ng hiyaw na;

—“Dario! Dario! . . Halika . . .

“Dagli na nga kaming tumuloy sa kinalalagian ni Angela ng nadinġig ang gayon at kaagad

kong tinabanan sa kamay kasabay ng pagsasabi nang:

—“iAngela, Angela!

—“iDario!—ang liglang sigaw niya ng makta ako.—Asa ko’y hindi na kita makakausap; asa ko’y mamamatay ako ng hindi ka man lamang makakabot sabi, ngunit napagkikilalang diningig ng Dios ang aking hiling, . . . mamamatay ako ngayon ng tahimik.

—“Angela, bakit mga kaisipang sakdal papanglaw ang pinapamumulas sa iyong mga labi?—ang sabi ko sa kaniya.

—“Ah, pagka’t tanto ko na lumalapit na ang aking kamatayan.

—“iKamatayan? iAng bata mong iyan? Ah, hindi, hindi ka pa mamamatay.

“Tinitignan akong sumandali ng

boong guiliw ni Angela, at pagkatapos ay nagturing na:

—“Dinaramdam ko ngang lisamin ka at lalo ko pang daramdamin kung magunitang ako’y dagli mong malilimot, sakaling tumugpa na sa bayang payapa, nguni’t lano ang aking magagawa? Wala na kundi sumangayon sa pasya ng may Likha sa ating lahat

Tumiguil sumandali, at pagkatapos na wari bagang ang kaunti niyang lakas ay nakuhang natipong lahat, umubong maka tatlo, at pagkatapos na matabanan ang kamay ko ng sakdal higpit, ay nagturing na:

—“Dario, ipangako mo sa akin na, sakaling ako’y mamatay na, ay hindi ka mag-aasawa kundi sa babayeng higit pa sa akin.

—“Hindi lamang iyan, Angela, hindi lamang iyan, kundi, sakaling ako’y lisanin mo, ay hindi na ako mag aasawa,—ang tugon ko sa kaniya.

—“¿Tupdin mo kaya ang gayon? ¿Hindi mo kaya pagsisihan?

—“Hindi. Asahan mo.

—“¿Isinusumpa mo?

—“Oo.

“Nang maitugon ko ang gayon, ay ikinawit sa aking liig ang kaniyang mga bisig na sakdal papayat na, at pagkatapos ay hinagkan ako ng minsan, isang halik na hanga ngayo’y nararamdaman ko pa . . .

“Ang ina ni Angela, na nakikita ang gayon, ay hindi umimik kaputok man.

“Isang sandali lamang ang yumaon at paglatapos, ay binawian

na ang guiliw kong Angela ng
bahay ni Bathala.

—At, iyan pala ang sanhi ng
di mo pag aasawa?—ang turing
ng isa sa mga kausap.

—Oo, iyan ang sanhi ng kung
bakit hanga ngayo'y bagong tao
pa ako

At noon din ay nag paalam
na si Dario sa tanang mga kau-
sap, samantalang sa batingaw
naman ng sambahan ng X. ay na-
ringig ang sampung tunog.



Aklatang Bayan

- I. Aklat "Mananayaw" ni Ros. Almarito
II. .. "Duwag" .. G. Chango
III. .. "Sa Tabi ng Bangin"
.. J. M. a Rivers
-

SOMBRERIA

NI

J. Legaspi

Daang Anlogue,
dating Lemery big.
408.

Bago pumanhik ng
tulay ng Hulo.

Bahay Limbagang "MAPAGPUYAT"

NAGBIBILI NG MGA AK-
LAT NA HUMUSUNOD:

Mapagpuyat ni J. N. Sevilla....	20	..
Pag-ibig ng isang General	20	..
Mga Imbi (2 bahagi)	60	..
Ang Baliw	30	..
Ilang-ilana	10	..
Kasawian ni Max. B. Sevilla	30	..
Kudyaping Tagalog	10	..
Panibugho ni Rosiris	3	..
Ang Pasong Liablo	3	..
Balawang Kalansay	3	..
Tadhana ni D. P. Anton	3	..

DIALANI ANG BAWAS
KUNTA PAKYAWAN.

UNIVERSITY OF MICHIGAN



3 9015 05170 9692

